

- 1. Ministarstvo za boračka pitanja Kantona Sarajevo**, koga zastupa ministar **mr. Muharem Fišo** (u daljem tekstu: Ugovorni organ) i
- 2. Drvosječa d.o.o. Sarajevo**, koga zastupa direktor, Nihad Helać (u daljem tekstu: Dobavljač), zaključili su u Sarajevu, dana 05.05.2017. godine,

U G O V O R

o nabavci i isporuci ogrijeva za socijalno najugroženije pripadnike boračke populacije Kantona Sarajevo za 2017. godinu 03413000-8 (Drvo za ogrijev)

Član 1.

Predmet ovog Ugovora je nabavka i isporuka ogrijeva za socijalno najugroženije pripadnike boračke populacije Kantona Sarajevo za 2017. godinu, a koji za potrebe grijanja koriste ogrijevno drvo (u daljem tekstu: korisnik).

Član 2.

Dobavljač, kao najpovoljniji ponuđač, je odabran putem otvorenog postupka po objavljenom Obavještenju za javnu nabavku na Portalu javnih nabavki broj: 920-1-1-9-3-25/17 od 13.03.2017. godine uz tendersku dokumentaciju, te sažetak obavještenja objavljen u „Službenom glasniku BiH“, se obavezuje da će isporučiti ogrijev za korisnike iz člana 1. ovog Ugovora, a prema spisku koji mu dostavi Ugovorni organ.

Član 3.

Dobavljač se obavezuje da će svakom korisniku isporučiti 4 PRM (prostorna metra) bukovog ogrijevnog drveta I klase-cjepanica (komadi drveta izrezanog iz trupaca na dužinu 20–30 cm, a zatim iscjepanih na glavne prečnika 10–20 cm) složenih u paletu 1 PRM (prostornog metra) – Propisano standardom za drvo i ogrijev i suhu destilaciju JUS D.5.023, fco istovareno na adresu krajnjeg korisnika koju dostavi Ugovorni organ, po cijeni od 96,99 KM po 1 PRM sa PDV-om, odnosno po cijeni od 387,96 KM za 4 PRM ogrijeva sa PDV-om.

U cijenu ogrijeva je uračunat PDV i svi troškovi utovara, transporta i istovara do krajnjeg korisnika ogrijeva.

Član 4.

Ukupna vrijednost ugovora iznosi najviše do 236.259,00 bez PDV-a, odnosno 276.450,00 KM sa PDV-om, te je predviđena isporuka za najviše 712 korisnika.

Ugovorni organ zadržava pravo da umanju izraženu najveću ukupnu vrijednost Ugovora ukoliko se isti bude morao smanjiti zbog nedovoljnog priliva sredstava u Budžet Kantona Sarajevo za 2017.godinu ili iz drugih opravdanih razloga, na koje ugovorni organ nema uticaja, a što će procijeniti ugovorni organ.

Član 5.

Dobavljač se obavezuje da će po ličnom opredjeljenju isporučiti ogrijev iz člana 3. Ovog Ugovora (po 4 PRM) za ukupno 15 korisnika „gratis“, u svrhu dodatne pomoći najugroženijim

kategorijama boračke populacije Kantona Sarajevo. Ovaj ogrjev će se isporučiti po zahtjevu/spisku Ugovornog organa u periodu do okončanja isporuke iz člana 4. Ovog Ugovora.

Član 6.

Ugovorni organ zadržava pravo da ovlasti lice koje će vršiti kontrolu isporuke robe od skladišta do krajnjih korisnika, od početka do okončanja isporuke.

Član 7.

Ugovorni organ se obavezuje da će odobravanje plaćanja obaveza po ovom ugovoru izvršiti u roku od 30 dana od dana ispostavljanja faktura po izvršenoj isporuci ogrijeva od strane Dobavljača, a plaćanje zavisi od dinamike priliva budžetskih sredstava.

Dobavljač je dužan uz fakturu isporučenog ogrijeva Ugovornom organu dostaviti pojedinačne specifikacije i otpremnice o isporučenom ogrjevu, potpisane od strane korisnika donacije.

Član 8.

Rok početka isporuke ogrijeva je najkasnije 7 dana od dana potpisivanja ugovora, odnosno dostavljanja spiska krajnjih korisnika od strane Ugovornog organa.

Krajnji rok isporuke ukupne količine ugovorenog ogrijeva, u skladu sa ponudom Dobavljača i dostavljenim nalozima za isporuku ogrijeva krajnjim korisnicima je 31.12.2017. godine.

U slučaju da se ne isporuči ogrjev u utvrđenom roku, Ugovorni organ će zaračunati penale od 1 promila od vrijednosti ugovora za svaki dan kašnjenja, a maksimalno do iznosa definisanog zakonom.

Član 9.

Dobavljač se obavezuje da sa danom potpisivanja ovog Ugovora obezbijedi garanciju za uredno izvršenje ugovora u visini od 5% od vrijednosti ugovora na način kako je to predviđeno tenderskom dokumentacijom, odnosno do 31.12.2017. godine + 30 dana.

Član 10.

Dobavljač odgovara za količinu i kvalitetu isporučenog ogrijeva koji mora biti u okviru propisanih standarda kvalitete – Ogrjevno bukovo drvo I klase. Ukoliko postoje opravdani razlozi, što zajednički cijene i utvrđuju Ugovorni organ i Dobavljač, a prema sugestiji korisnika donacije, Dobavljač se obavezuje da prihvati reklamaciju na količinu i kvalitetu isporučenog ogrijeva.

Član 11.

Ukoliko Dobavljač ne prihvati opravdanu reklamaciju, Ugovorni organ raskida ugovor i obustavlja plaćanje po fakturi za izvršenu isporuku ogrijeva. Ugovorni organ zadržava pravo jednostranog raskida ugovora i iz drugih opravdanih razloga u skladu sa Zakonom.

Član 12.

Ugovor se smatra raskinutim po pismenom obavještenju Dobavljaču od strane Ugovornog organa, a iz razloga utvrđenim ovim Ugovorom.

Član 13.

Dobavljač kome je dodjeljen ugovor neće sklapati podugovor ni o jednom bitnom dijelu ugovora bez prethodnog pismenog odobrenja ugovornog organa. Elementi ugovora koji se podugovaraju i identitet podugovarača obavezno se saopćavaju ugovornom organu blagovremeno prije sklapanja podugovora. Ugovorni organ obavjestit će Dobavljača o svojoj odluci u roku od 15 dana nakon prijema saopćenja, navodeći razloge u slučaju odbijanja.

Dobavljač kojem je dodjeljen ugovor snosi punu odgovornost za realizaciju ugovora.

Član 14.

Ugovorni organ shodno članu 72. tačka 6. Zakona o javnim nabavkama BiH postavlja uslov da Dobavljač kojem je dodjeljen ugovor o javnoj nabavci, ne može zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, najmanje šest mjeseci po zaključenju ugovora, odnosno početka realizacije ugovora.

Član 15.

Ukoliko eventualne sporove ugovorne strane ne budu mogle riješiti sporazumno, za sve nastale sporove nadležan je sud u Sarajevu.

Član 16.

Ovaj Ugovor je sačinjen u 4 (četiri) istovjetna primjerka od kojih svaka strana zadržava po 2 (dva) primjerka.



Broj: 136/17
Sarajevo, 05.05.2017. godine



Broj: 06-14-14304/17
Sarajevo, 05.05.2017. godine